

U basgiu di a volpe

Un m'arricordu più s'ell'era di vaghjime,
Scusate, l'istatina calava manu calda
Sopr'à fianchi di terra è da pianura in cime
Facia caminà a so carezza gialla.

Eo sò volpe rossa di u machjone tepidu,
Paru cultella d'oru in un pane di notte,
Sò ladra à roda dolce, un veculu vestitu
I mio zitelli stanchi sò tante stelle ciotte.

I so musì à i mio lati corci, i sentu oghje torna
Ma dite mi per pena issò ch'eo facciu custì
U mio collu mi sente, o quale hè chì m'informa
In sapara suffrenza cun morte à parturi ?...

Duie forche spietate mi basgianu u fiatu
Sciarpa di ferru crudu intorn' a mio cannella
A mo vita ùn hè più ch'una corcia candela
U straziu à bracce corte hè scuru è assitatu

Per un acellu falsu à l'ale sempre mute
Ch'ùn abbraccerà mai nè celu, nè l'azuru,
Mi lascia spuntà sangue trà isse mane curnute,
U viaghju per mè ormai hè troppu duru

Mi ramentu e petricelle sottu e mo zampe forte,
E mo corse spaperse in e cità di sole,
E mo surgente sciolte nant'à e fronde morte,
E mio cacce à pasponi à l'ore di e fole.

U vostru u fuculare ci spampillava brusta
Ind'è mè u calore era un fiancu di mamma
Duve e criature nant'à cuverta frusta
stampavanu rispìri caldi cum'una fiamma.

Ind'è mè i riposi sapianu u fretu,
U focu scatenatu i ghjorni à traghje ventu
E gnere muntagnole, issu tempu mai chetu,
San Cervoni assaltatu da fulmine spaventu.

Arricava lapini o qualchì bestia chjappa,
Spartiamu issa vita per ingrandà a nostra,
È ghjè issa luce liscia chì oghje piglia è scappa
à ingrandà u foscu è l'odiu in la so chjostra



M'hà pescu un paisanu, capigrisgiu è zoppu
A so anca strascina i mo spasimi lenti,
Lentu, paese amaru chì m'hà vistu u stroppiu
Animalacciu strettu da sei forti denti.

Ùn mi cappierà più è movu senza fine
U mo corpu valsacciu à lagnu ritimatu
Pare una capillera fatta di centu crine
Rumicata à u soffiu di sciroccu sfacciatu

Ultimu passu di a mo schena bionda,
Mi ne vò, e luce sò scuperte
À mo vita vultata pianu pianu s'attonda
Tale bacu sanguinu di e ferite aperte.

Mi ne vò, u pettu hè stancarellu,
Rivecu i scorni mei, e vie à mele fiore
A mo famiglia cara, ma l'amore orfanellu
Mi cumpie pianamente u babbu di